





咸豐武定府志(二)



(清)李熙齡
(清)鄒恒纂
修

武定府志卷二十九

藝文志

詔 疏論 記序 傳 碑 誌 銘 行狀 墓表 駁議 文引 考 賦 詩

郡乘之作所以載郡事也而藝文又以詳事之未及詳者是故或以地傳或以人傳要皆陳土俗而道民情二南之詩三都之賦可做已若徒刪風批月繡虎雕龍摘藻非不可觀其於文獻無涉蓋闕如也謹彙古今制作依時遞次崇實汰浮錄其有關學術政事及一邑之利弊者漱六藝之芳潤豈敢臆爲去取哉志藝文

詔

武定府志

卷二十九

藝文

詔

除戶部侍郎李之純詔

宋蘇軾

保國猶保身藥石不如養氣御民猶御馬鞭箠不如輕車故興利以富民不如省事而民自富廣求以豐國不如節用而國自豐朕素與庶工共行此志以爾龍圖閣直學士知滄州事李之純屢試以事號稱循良雖爲有司不吝出納宜膺躋等之用庶無虛受之譏服我訓詞以厭公議可

詔

頒親征漢庶人討平寬宥班師詔 宣宗

我祖宗開邦洪業封建親藩所以鞏固國家莫安宗社朕以天叙嗣承大統敦厚親親至於漢王高煦事以叔父未嘗違禮天地神明所共臨鑒而彼包蓄禍心積有年歲昔我皇祖太宗皇帝覺其潛懷異圖削其兩護衛徙置樂安州皇考仁宗皇帝友愛之誠比隆虞舜而乃忘背以德爲怨今者無故招聚無賴授以兵器驅掠良民聚充軍士搶奪官民馬匹擅放有司監繫強盜縱其爲惡與賞賜暗結都司官及軍衛有司官吏生員人等

武定府志

卷二十九

藝文

詔

二

賞與金銀等物除指揮王斌知州朱恒等爲太師都督尙書等官其餘各授一職散刀與眞定等衛軍官爲號潛結北京官員軍民俾爲內應其他姦謀不可枚舉遂致監察御史李濬奏發其事亦獻奇策朕以至親初未之信及差百戶陳剛齋本進京認罔先帝爰及朕躬假此弄兵聲犯闕廷究多人之書具有成跡寔欲妄覬天位謀危社稷流毒生靈春秋之法人臣無將將則必誅其不軌如此罪烏可容朕以祖宗付託之重國家生民之計不得已親率六師往問其罪兵臨其境尙擁烏合之衆敢行抗拒賴天地眷祐祖宗之靈罪人斯得以親

親之故不忍棄絕令同官眷居於北京以全始終之恩
其餘同惡者明正典刑脅從者咸釋不問今已班師於
鐵管叔流言成周致辟淮南作孽自闕其躬大義不私
於所親至仁尙從於寬典詔諸中外咸使聞知

武定府志

卷二十九

藝文 詔

三

武定府志卷二十九

疏

請代藩正封疏

明劉策

題爲代事廷議已決改正勢不容緩懇乞聖明亟命禮
臣之請以正倫序以杜禍胎事臣聞天下有不可蔑之
名分而倒置者速敗之階人主有不可稽之明斷而遲
疑者釀亂之漸今國家數年來大小臣工所爲蒿目而
憂叩闕而請者非福王之國楚宗沉寃與代藩之廢立
乎此皆關於宗親之大計而與國家之理亂安危相爲
倚伏者也日幸宸衷天啟綸音立渙一則開國維都而

武定府志

卷二十九

藝文 疏

三

奠維城之基一則肆赦湯網而慶更生之會中外臣民
靡不額手聖明以爲代藩之改正亦可以次第舉矣乃
靜聽日久尙稽俞旨一時人心皇皇猜疑百出臣初入
境時卽欲具疏請命誠恐王心悔禍翻然改正是臣之
徑情而不與成王之美也於是據禮臣之議先爲書以
開導之若謂改正而出於皇上也則正名定分固以昭
聖主之英斷使改正而出於王也則割愛成慈益以彰
藩王之令名此其爲國計者至詳且悉而其爲王慮者
亦深且遠也詎意執迷不悟而逆耳之言難開其沉溺
之窳積憎成辟而天性之恩終奪於床第之私是改正

之舉斷斷乎不能得之於王也而所恃以明長幼之序杜爭奪之隙爲代藩建千萬世不拔之基者在皇上一檢發間耳乃酌議雖定改正無期得無以奸相之創例足據册封之成命難移乎此自有國家率由之舊章泰府惟憶之新例在廷諸臣言之已詳臣亦何敢掇拾以瀆宸聽惟是改正不改正之利害尚未有熟數於陛下之前者臣謹爲皇上一言之可乎蓋世子之封固不可使之冒據亦不得令其虛懸使改不改而無關於利害則猶在可與可寢之間即使利害而止關於藩王則亦屬可急可緩之際庸詎知國家之利害更有甚於代武定府志

卷二十九 藝文 疏 四

之禍不益烈乎此其害又豈獨代藩任之也譬如一家之中休戚原自相關假令長幼失序父子乖張主人翁將怒於坐視而不爲之一處置乎代王則皇上之一家也代藩之廢立則皇上之家事也皇上奈何置之度外令其相戕相傷而不思所以處置之哉說者謂代王蠱於長舌之愛而日傾其宮中之所有以賄結中涓夫前后左右利王之厚賄誠不難爲煬竈之蔽明獨計皇上亦何利焉而顧憚爲之改正也無怪乎人情之猜疑日新而日奇也向聞代王揚言於人曰改正之事惟有靜聽玉音耳臣想當年鼎渭之報名既不難駕言於定王武定府志

卷二十九 藝文 疏 五

今日鼎莎之冒嫡又何難諉過於皇上乎一遲疑問而長左右之奸冒不韙之名無論非所以爲王計亦非皇上之所以自爲計矣況物之逆天者其終必返臣恐代王有限之力終難勝無窮之天臣又恐皇上今日不爲之改正後必有欲改正而無及者語曰當斷不斷反受其亂可不深長思哉此臣區區一念非但爲藩王計安危亦以國家之名分不可自代而褻越尤不可自皇上而在其褻越也祖宗之家法不可自代而敗壞尤不可自皇上而聽其敗壞也改正之舉始有萬萬不容以再緩者伏乞皇上軫念藩服之重深維利害之原亟命禮

臣之請蚤正世子之封庶代藩父子兄弟各有甯宇而名正言順國家靈長之祚亦與天壤俱永矣臣不勝激切待命之至

奏請節用疏

明光懋

題爲國儲甚調財用有限伏乞躬崇節儉以光聖德事臣等於本月日接出該司禮監傳奉聖旨內庫銀兩缺乏光祿寺銀暫取十萬兩來用欽此比時該寺之臣捧奉明旨搜括該寺素所積者將如數以進矣臣等待罪該科始聞之以爲天下之財供朝廷之用輸之外府者將以給軍國之需藏之內府者將以供乘輿之費豈至

武定府志

卷二十九 藝文 疏 六

有不足以取給於光祿哉臣等又思之光祿上以供膳羞祭祀下以脩宴賞廩餼有餘而或蓄之不足而又取之似於國計不爲大妨臣等復何言哉然臣等視此竊有隱慮焉謹始者恒有不克終之念防微者將以爲杜漸之基恭儉自人主之盛節靡費爲侈心之萌芽作法於京猶恐未流之奢也而況始其事於奢乎陛下英年睿智嗣位之初務遵理道設行儉約親臨宸翰爲十二事首謹天戒而以樽節用終焉中外臣工仰覩聖心之純聖德之厚所以保民生壽國脉者端有敢於是也何也節與不節君德修否之驗府庫盈虛之由生民休戚

之本國家治忽之原咸於此乎觀之夫財用供於有司所以爲人主用也而成周式法則掌於太宰凡其用度取予一付於九式之成法故雖一尺之帛一束之芻一匪頒之微一燕好之私而舉不得過差焉是以侈心有所憚而不生欲心有所節而不縱非徒以惜民財裕國用亦以養人主恭儉之德而成令望耳陛下之心如水未淆如鑑未塵一垂意於節省則凡所謂謹天戒任賢能收放心納忠言等十二事均於此乎舉之矣陛下誠以此時太倉充足乎賦有常供而用無定數一歲猶不足支一歲之用大司農支持經營僅能額辦年例萬一

武定府志

卷二十九 藝文 疏 七

突有必不容已之需將何以取給乎又以光祿係內府之財既有盈餘不妨御用耶然在庫之銀接年奉上節儉寸積絲累止有此數後來大婚諸禮一皆取辦於斯今日之蓄正所以爲先事之備非無用之藏也一旦取進十萬所餘甯幾耶所餘無幾而後不節縮並其無幾者不餘矣恐將有取之外府銀庫者漸不可長也矧今淮揚大水民不聊生兩浙海潮壞民田畝正陛下宵衣旰食之時不宜費取衆多一虧正用伏願收回成命禁弗卽取自今凡百用度賞賜更加樽節不耗其財於無益之事不費其財於無用之地不施其財於無功之人

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》 【32 万册影印古籍 + 20 多亿字，带检索器和阅读工具】 包括各地方志、日本内...

【更多】 >> <https://www.fozhu920.com/list/>